

На основу člana 15. stav (1) Zakona o Upravi za indirektno oporezivanje ("Službeni glasnik BiH", broj 89/05), te člana 16. i 61. stav (2) Zakona o upravi ("Službeni glasnik BiH", br. 32/02, 102/09 i 72/17), direktor Uprave za indirektno oporezivanje donosi

## UPUTSTVO

### О НАЧИНУ ПОСТУПАЊА СА ПРИЈАВАМА ЗА ПОРЕЗ НА ДОДАНУ ВРИЈЕДНОСТ И ПРИЈАВАМА АКЦИЗЕ И РАЗРЕЗОМ ПОРЕЗА ПО СЛУŽБЕНОЈ ДУЖНОСТИ

#### GLAVA I. ОПЋЕ ОДРЕДБЕ

##### Član 1.

(Predmet)

Ovim Uputstvom se bliže utvrđuju pravila u postupku kreiranja poreznih prijava u podsistemu ePorezi i postupanje sa poreznim prijavama za određeni porezni period te način kreiranja razreza poreza po službenoj dužnosti na osnovu porezne prijave koju Uprava za indirektno oporezivanje (u daljem tekstu UIO) donosi u ime poreznog obveznika i koja se automatski kreira u podsistemu ePorezi.

##### Član 2.

(Pravni osnov)

- (1) Podnošenje PDV prijave i PDA prijave regulirano je odredbama:
  - a) člana 39. Zakona o porezu na dodanu vrijednost ("Službeni glasnik BiH", br. 9/05, 35/05, 100/08 i 33/17),
  - b) člana 27. Zakona o akcizama u Bosni i Hercegovini ("Službeni glasnik BiH", br. 49/09, 49/14 i 91/17),
  - c) člana 78. Pravilnika o primjeni Zakona o porezu na dodanu vrijednost ("Službeni glasnik BiH", br. 93/05, 21/06, 60/06, 6/07, 100/07, 35/08, 65/10 i 85/17),
  - d) člana 34. Pravilnika o primjeni Zakona o akcizama u Bosni i Hercegovini ("Službeni glasnik BiH", br. 50/09, 80/11, 48/12, 74/14, 85/17 i 04/18).
- (2) Podnošenje izmijenjene ili dopunske prijave regulirano je odredbama člana 75. i 76. Zakona o postupku indirektnog oporezivanja ("Službeni glasnik BiH", br. 89/05 i 100/13).
- (3) Razrez indirektnih obaveza na osnovu porezne prijave koju u ime poreznog obveznika donosi UIO, a koji se automatski proizvodi u podsistemu ePorezi - razrez poreza po službenoj dužnosti, reguliran je članom 57. Zakona o postupku indirektnog oporezivanja ("Službeni glasnik BiH", br. 89/05 i 100/13).

##### Član 3.

(Definicije)

Pojmovi koji se koriste u ovom Uputstvu imaju sljedeće značenje:

- a) Pod pojmom "porezna prijava" podrazumijeva se prijava za porez na dodanu vrijednost i prijava domaće akcize,
- b) Pod pojmom "PDV prijava" podrazumijeva se prijava samooporezivanja koju podnosi obveznik indirektnih poreza koji je u Jedinstveni registar obveznika indirektnih poreza upisan po osnovu poreza na dodanu vrijednost,
- c) Pod pojmom "PDA prijava" podrazumijeva se prijava samooporezivanja koju podnosi proizvođač akciznih proizvoda, kao i pravno lice ili preduzetnik, sa sjedištem u Bosni i Hercegovini, za kojeg se od strane drugog lica vrši usluga proizvodnje akciznih proizvoda iz člana 4. stav (2) tačka a), b), c), d), e) i g) Zakona o akcizama u Bosni i Hercegovini, koji je u Jedinstveni

register obveznika indirektnih poreza upisan po osnovu akcize,

- d) Pod pojmom "ePortal" podrazumijeva se servis za korištenje elektronskih usluga UIO,
- e) Pod pojmom "ePorezi" podrazumijeva se porezni podsistem informacionog sistema UIO,
- f) Pod pojmom "razrez poreza po službenoj dužnosti" podrazumijeva se podnošenje porezne prijave u ime poreznog obveznika od strane UIO koja se automatski proizvodi u podsistemu ePorezi (popunjavanjem polja 51 i 71 PDV prijave i kolone I i III prijave domaće akcize),
- g) Pod pojmom "kreiranje porezne prijave" podrazumijeva se sačinjavanje praznog obrasca porezne prijave u podsistemu ePorezi,
- h) Pod pojmom "stormiranje" podrazumijeva se poništavanje,
- i) Pod pojmom "kontrolna grupa" podrazumijeva se Grupa za reviziju i kontrolu Odsjeka za poreze u regionalnom centru ili Grupa za kontrolu velikih poreznih obveznika Odsjeka za kontrolu velikih poreznih obveznika u Sektoru za poreze,
- j) Pod pojmom "kontrolirani porezni period" podrazumijeva se period koji je obuhvaćen nalogom za potpunu ili djelimičnu kontrolu sa razrecom.

#### GLAVA II. KREIRANJE И ПОСТУПАЊЕ СА ПОРЕЗНИМ ПРИЈАВАМА

##### Član 4.

(Kreiranje poreznih prijava)

- (1) Kreiranje poreznih prijava za određeni porezni period vrši se automatski u podsistemu ePorezi istekom poreznog perioda za koji je obveznik dužan podnijeti poreznu prijavu.
- (2) Porezne prijave iz stava (1) ovog člana se kreiraju za sve obveznike registrirane za PDV i domaću akcizu.
- (3) Za poreznog obveznika koji je registriran po službenoj dužnosti ili po zahtjevu, a kome nisu kreirane porezne prijave u skladu sa odredbama stava (1) ovog člana, automatski se kreiraju nedostajuće porezne prijave, počev od datuma koji je u rješenju o registraciji/upisu u Jedinstveni registar obveznika indirektnih poreza označen kao datum početka porezne obaveze.
- (4) Kreiranje poreznih prijava se vrši na jeziku i pismu koji je obveznik odabrao za komunikaciju sa UIO.

##### Član 5.

(Postupak sa izmijenjenim ili dopunskim prijavama)

- (1) Porezni obveznik podnosi izmijenjenu ili dopunsку prijavu u skladu sa odredbama člana 75. i 76. Zakona o postupku indirektnog oporezivanja ("Službeni glasnik BiH", br. 89/05 i 100/13).
- (2) U slučaju da porezni obveznik podnosi izmijenjenu prijavu ima mogućnost da nakon što je prethodno izmijenio prijavu za određeni porezni period istu ponovo izmijeni ili dopuni.
- (3) U slučaju da porezni obveznik podnosi dopunsku prijavu ima mogućnost da nakon što je prethodno dopunio prijavu za određeni porezni period istu ponovo samo dopuni.
- (4) Ako je iznos za plaćanje u izmijenjenoj ili dopunskoj PDV prijavi manji od prijavljenog u prethodno podnesenoj PDV prijavi ili ako se u izmijenjenoj ili dopunskoj PDV prijavi povećava kredit ili povrat u iznosu od 3.000,00 KM i više, u podsistemu ePorezi se nakon knjiženja takve prijave generira obavještenje.
- (5) Obavještenje iz stava (4) ovog člana dostavlja se šefu nadležne kontrolne grupe, koja je dužna izdati nalog za kontrolu za porezni period koji je predmet izmjene ili dopune u roku od 15 dana od dana prijema obavještenja.

- (6) Za porezni period za koji je otvoren nalog za potpunu ili djelimičnu kontrolu sa razrezom, porezni obveznik ne može podnijeti izmijenjenu ili dopunsku prijavu o čemu se obavještava putem ePortala.
- (7) Za porezni period za koji je otvoren nalog za potpunu ili djelimičnu kontrolu sa razrezom i donešena odluka koja nije konačna, porezni obveznik ne može podnijeti izmijenjenu ili dopunsku prijavu o čemu se obavještava putem ePortala.
- (8) U obavještenju iz stava (7) ovog člana porezni obveznik dobija upute da u ovom slučaju nadležnoj organizacionoj jedinici koja je donijela odluku može dostaviti žalbu ili dopunu žalbe ukoliko je ona već podnesena u rokovima i na način propisan odredbama člana 136. Zakona o postupku indirektnog oporezivanja ("Službeni glasnik BiH", br. 89/05 i 100/13).
- (9) Porezni obveznik ne može podnijeti izmijenjenu ili dopunsku prijavu za porezni period koji je obuhvaćen potpunom ili djelimičnom kontrolom sa razrezom i za koje je donešena konačna odluka, o čemu se obavještava putem ePortala.
- (10) U obavještenju iz stava (9) ovog člana porezni obveznik dobija upute da u ovom slučaju nadležnoj organizacionoj jedinici koja je donijela konačnu odluku može podnijeti zahtjev ili prijedlog za primjenu nekih od vanrednih pravnih ljejkova definiranih odredbama člana 141. Zakona o postupku indirektnog oporezivanja, a u slučajevima koji nisu regulirani ovim Zakonom, primjenjuju se odredbe člana 238. do 258. Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16).
- (11) U slučaju da porezni obveznik dostavi izmijenjenu ili dopunsku PDV prijavu za porezni period u kojem je postupak povrata u toku, ista će se knjižiti nakon završetka postupka povrata.

#### Član 6.

(Način postupanja sa izvještajem o dospjeloj i plaćenoj akcizi)

- (1) Podaci iz redovne PDA prijave proizvođača - obveznika domaće akcize na duhanske prerađevine evidentirani u podsistemu e-Porezi na način predviđen Uputstvom o elektronskom podnošenju prijava samooporezivanja ("Službeni glasnik BiH", broj 04/18) smatraju se evidencijom i isti se usuglašavaju sa podacima iz izvještaja o visini dospjele i plaćene obaveze akcize za isti porezni period, koji sačinjava Odsjek za poslovne usluge u regionalnom centru na obrascu "Izvještaj o obračunatoj i plaćenoj akcizi" koji je sastavni dio ovog Uputstva.
- (2) Obrazac "Izvještaj o dospjeloj i plaćenoj akcizi" koji je sastavni dio ovog Uputstva, Odsjek za poslovne usluge najkasnije do 10. u tekućem mjesecu za prethodni mjesec dostavlja Grupi za obradu poreznih prijava, koja najkasnije do 12. u tekućem mjesecu u podsistemu ePorezi mijenja podatak zaduženja iz redovne PDA prijave iz stava (1) ovog člana i obveznika zadužuje za obavezu plaćanja iznosa akcize, koja je obračunata na preuzete akcizne markice.

#### Član 7.

(Ispravka greške pri unosu poreznih prijava koje nisu podnesene elektronskim putem)

- (1) Ukoliko ovlašteno službeno lice, tj. inspektor u toku kontrole utvrdi da se podaci u poreznim prijavama poreznog obveznika koje nisu podnesene elektronskim putem, razlikuju od podataka koji su evidentirani u podsistemu ePorezi, na njegov zahtjev Grupa za obradu poreznih prijava vrši poređenje podataka u originalnoj poreznoj prijavi, sa podacima evidentiranim u podsistemu ePorezi te ukoliko se utvrdi da je došlo do greške prilikom unosa, službenik Grupe

za obradu poreznih prijava vrši ispravku greške, o čemu sačinjava službenu zabilješku.

- (2) Ukoliko porezni službenik po službenoj dužnosti ili sam porezni obveznik prilikom pregleda podataka koji su mu dostupni na ePortalu, utvrdi da se podaci u poreznim prijavama poreznog obveznika koje nisu podnesene elektronskim putem, razlikuju od podataka koji su evidentirani u podsistemu ePorezi, službenik Grupe za obradu poreznih prijava vrši poređenje podataka u originalnoj poreznoj prijavi sa podacima evidentiranim u podsistemu ePorezi te ukoliko se utvrdi da je došlo do greške prilikom unosa, vrši se ispravka greške, o čemu se sačinjava službena zabilješka.

#### Član 8.

(Vođenje knjige protokola i izvještavanje)

- (1) Knjiga protokola redovnih, dopunskih i izmijenjenih prijava vodi se elektronski u podsistemu ePorezi, a sadrži najmanje sljedeće podatke: redni broj, ID broj, naziv obveznika, porezni period, adresa, grad, kontakt telefon, e-mail, regionalni centar, vrsta porezne prijave (PDV ili PDA prijava), model porezne prijave (redovna, izmijenjena, dopunska), datum dostavljanja porezne prijave, broj protokola.
- (2) Izvještaj o kreiranim i podnesenim poreznim prijavama izrađuje se u podsistemu ePorezi, a sadrži najmanje sljedeće podatke: broj kreiranih poreznih prijava, broj podnesenih poreznih prijava, broj nedostajućih poreznih prijava, broj i iznos poreznih prijava u kojima je iskazana obaveza, broj i iznos poreznih prijava u kojima je iskazan zahtjev za povrat, broj i iznos poreznih prijava u kojima je iskazan kredit.
- (3) Izvještaj o poreznim prijavama koje su podnesene elektronskim putem ali nisu proknjižene na poreznu karticu, izrađuje se automatski u sistemu, a sadrži najmanje sljedeće podatke: ID broj obveznika, naziv obveznika, regionalni centar, adresa sjedišta, kontakt telefon, email adresa i porezni period na koji se odnosi porezna prijava.
- (4) Izvještaj o poreznim obveznicima kojima je izvršen razrez poreza po službenoj dužnosti kreira se automatski u sistemu, a sadrži najmanje sljedeće podatke: ID broj obveznika, naziv obveznika, regionalni centar, adresa sjedišta, grad, poštanski broj, kontakt telefon, email adresa i porezni period za koji je izvršen razrez, iznos razreza, datum obračunatog razreza, status obveznika (aktiva/pasivan) ime i prezime odgovornog lica, naziv ovlaštenog knjigovodstvenog servisa ili ime i prezime knjigovođe, broj telefona ovlaštenog knjigovodstvenog servisa ili knjigovođe.

#### Član 9.

(Dostava podataka drugim organizacionim jedinicama)

Odsjek za obradu poreznih prijava i Grupa za obradu poreznih prijava dostavljaju izvještaje, analize i druge podatke vezano za porezne prijave organizacionoj jedinici Uprave ili trećoj strani u skladu sa zakonskim propisima, a imajući u vidu član 52. Zakona o postupku indirektnog oporezivanja.

### GLAVA III. RAZREZ POREZA PO SLUŽBENOJ DUŽNOSTI

#### Član 10.

(Postupanje u slučaju nepodnošenja porezne prijave)

- (1) Za poreznog obveznika, za koga nije evidentiran prijem redovne porezne prijave do 15.-og u mjesecu za prethodni porezni period, u podsistemu ePorezi se automatski pokreće kreiranje razreza poreza po službenoj dužnosti.
- (2) UIO putem ePortala dostavlja obvezniku obavještenje o kreiranom razrezu poreza po službenoj dužnosti iz stava (1) ovog člana narednog dana od dana kreiranja razreza.

- (3) Ukoliko obveznik podnese poreznu prijavu nakon prijema obaveštenja iz stava (2) ovog člana, a najkasnije do isteka mjeseca u kojem je izvršen razrez, u podsistemu ePorezi se vrši automatsko storniranje razreza poreza i sporednih poreznih obaveza proisteklih iz razreza.
- (4) Porezna prijava iz stava (3) ovog člana smatra se izmijenjenom jer je naknadno podnesena sa svrhom da zamjeni poreznu prijavu koju je UIO donijela u ime poreznog obveznika.
- (5) Ukoliko obveznik ne podnese poreznu prijavu ni nakon prijema obaveštenja iz stava (2) ovog člana do isteka mjeseca u kojem je izvršen razrez, u podsistemu ePorezi prestaje automatsko kreiranje poreznih prijava za naredne porezne periode.
- (6) Automatsko kreiranje poreznih prijava u slučaju iz stava (5) ovog člana omogućava se nakon što obveznik podnese poreznu prijavu za porezni period za koji je izvršeno kreiranje razreza poreza po službenoj dužnosti.

**Član 11.**

(Iznos razreza poreza po službenoj dužnosti)

- (1) Visina poreza na dodanu vrijednost iz člana 10. ovog Uputstva za obveznike PDV-a utvrđuje se u iznosu koji predstavlja prosjek prijavljene porezne obaveze iz zadnje tri uzastopno podnesene PDV prijave, podnesene prije poreznog perioda za koji se vrši razrez poreza po službenoj dužnosti.
- (2) U slučaju da se ne može utvrditi iznos poreza u skladu sa stavom (1) ovog člana, razrez poreza po službenoj dužnosti se vrši na način da razrezzana visina poreza iznosi 17% od mjesечnog prometa, koji je porezni obveznik prijavio u dostavljenom zahtjevu za registraciju i upis u Jedinstveni registar obveznika indirektnih poreza.
- (3) Ukoliko razrez poreza iz stava (1) i (2) ovog člana iznosi manje od 2.000,00 KM, isti se utvrđuje najmanje u tom iznosu.
- (4) Visina poreza iz člana 10. ovog Uputstva za obveznike domaće akcize i cestarine utvrđuje se u iznosu od 10.000,00 KM za svaku vrstu prihoda za koju je obveznik registriran.

**Član 12.**

(Postupanje kontrolnih grupa Sektora za poreze)

Ukoliko je kontrolom od strane kontrolnih organizacionih jedinica Sektora za poreze obuhvaćen period u kojem je kreiran razrez poreza po službenoj dužnosti, u koraku popunjavanja

poreznih prijava po kontroli od strane postupajućeg inspektora vrši se po službenoj dužnosti automatsko storniranje razrezanog poreza i sporednih poreznih obaveza.

**Član 13.**

(Postupanje sa razrezom poreza po službenoj dužnosti u slučaju deregistracije ili oduzimanja ID broja)

Za poreznog obveznika koji je deregistriran po službenoj dužnosti ili po zahtjevu ili kome je oduzet ID broj, a kome je izvršen razrez poreza po službenoj dužnosti nakon datuma navedenog u dispozitivu rješenja o deregistraciji ili oduzimanju ID broja, automatski se vrši storniranje eventualno razrezanog poreza po službenoj dužnosti i sporednih obaveza proisteklih iz razreza.

**GLAVA IV. PRIJELAZNE I ZAVRŠNE ODREDBE****Član 14.**

(Prestanak primjene)

- (1) Stupanjem na snagu ovog Uputstva prestaje se primjenjivati Objasnjenje o načinu postupanja kod prijema i obrade PDV prijava za porez na dodanu vrijednost i prijava akcize, broj 01-02-2-761-8/10 od 22.11.2010. godine, 01-02-2-2582/11 od 29.12.2011. godine, 02-2-1409/14 od 19.06.2014. godine, 02-2-1409-7/14 od 22.10.2014. godine i 01-02-2-1035-1/15 od 19.06.2015. godine i Instrukcija o razrezu poreza na dodanu vrijednost, akcize i cestarine po službenoj dužnosti ("Službeni glasnik BiH", broj 68/12 i 04/18).
- (2) Unos izmijenjenih i dopunskih prijava, koje su zaprimljene putem ePortala, a nisu obrađene prije donošenja ovog Uputstva, okončat će se u skladu sa odredbama ovog Uputstva.
- (3) Storniranje razreza poreza po službenoj dužnosti za obveznike koji su deregistrirani ili im je oduzet ID broj prije donošenja ovog Uputstva, okončat će se u skladu sa odredbama ovog Uputstva.

**Član 15.**

(Stupanje na snagu)

Ovo Uputstvo stupa na snagu osmog dana od dana objavljivanja u "Službenom glasniku BiH", od kada se i primjenjuje.

Broj 01-02-2-901/19

28. marta 2019. godine

Banja Luka

Direktor  
Dr. Miro Džakula, s. r.

Bosna i Hercegovina  
Uprava za indirektno - neizravno oporezivanje  
Banja Luka



Босна и Херцеговина  
Управа за индиректно опорезивање  
Бања Лука

Regionalni centar \_\_\_\_\_

Odsjek za poslovne usluge

Broj: \_\_\_\_\_  
Datum: \_\_\_\_\_

ODSJEK ZA POREZE  
REGIONALNI CENTAR  
Grupa za obradu poreznih prijava

**Izvještaj o dospjeloj i plaćenoj akcizi na duhanske prerađevine**  
za period od \_\_\_\_\_ do \_\_\_\_\_ godine

Za obveznika \_\_\_\_\_, PDV broj \_\_\_\_\_

a. Ukupna obaveza za uplatu akcize za preuzete markice

Broj otpremnice	Datum otpremnice	Vrsta prihoda	Naziv akcize	Količina	j/m	Stopa	Iznos obaveze
		715412.1	Cigarete (proporcionalni dio)		kutija		
		715412.10	Cigarete (fiksni dio)		kutija		
		715412.11	Duhan za pušenje		kg		
<b>UKUPNO:</b>							

b. Ukupna uplata akcize za preuzete markice (iz tačke a.)

Dokument o uplati		Vrsta prihoda	Iznos uplate	
Vrsta i broj dokumenta	Datum		Sa transakcijskog računa	Akontacija po rješenju
		715412		
		715412		
<b>UKUPNO:</b>				

Dostaviti:

Šef Odsjeka za poslovne usluge

1. Naslovu  
2. a/a



Regionalni centar \_\_\_\_\_

Odsjek za poslovne usluge

Broj: \_\_\_\_\_  
Datum: \_\_\_\_\_

REGIONALNI CENTAR \_\_\_\_\_  
ODSJEK ZA POREZE  
Grupa za obradu poreznih prijava

**Iзвјештај о обрачунатој акцизи на духанске прераћевине која nije доспјела  
за plaćanje  
на дан \_\_\_\_\_ godine**

Za obveznika \_\_\_\_\_, PDV broj \_\_\_\_\_

- a. Ukupan iznos akcize sadržane u markicama koje obveznik nije preuzeo od UINO  
do 2015. godine

Broj otpremnice	Datum otpremnice	Vrsta prihoda	Naziv akcize	Količina	j/m	Stopa	Iznos akcize
		715412.1	Cigarete (proporcionalni dio)		kutija		
		715412.10	Cigarete (fiksni dio)		kutija		
		715412.11	Duhan za pušenje		kg		
<b>UKUPNO :</b>							

- b. Ukupan iznos priznate akontacije akcize za preuzete markice do 2015. godine

Dokument o priznavanju akontacije		Vrsta prihoda	Iznos akontacija po rješenju
Broj rješenja	Datum prihoda		
		715412	
		715412	
<b>UKUPNO :</b>			

Dostaviti: SUGLASNOST Grupe za KVPO:

1. Naslovu Inspektori: 1. \_\_\_\_\_  
2. 04/4 2. \_\_\_\_\_ Šef Odsjeka za poslovne usluge  
3. a/a Šef Grupe za KVPO: \_\_\_\_\_